



Lyuwa Iya mbesi, Mlungu tachisagula nikum'bilanga mundu jumo mu wandu wakuma mu likuga Iyangu pa meso pa iumbe yosope kuti am'balanjisye masengo gakwe,

Ngani jikupitila kwa Abdullah mwanache jwa Amru mwanache jwa Al-A'swi -Mlungu asangalale nawo wasopewo- watite kuti: Mtume jwa Mlungu -chanasa ni utendele wa Mlungu iwe pa jwelejo watite: "Lyuwa Iya mbesi, Mlungu tachisagula nikum'bilanga mundu jumo mu wandu wakuma mu likuga Iyangu pa meso pa iumbe yosope kuti am'balanjisye masengo gakwe, ni tachinkopochesya mabuku gakwana 99 gamasengo gakwe gakusakala gawaji ali mkamula pa chilambo chapasi, ulewu wa buku jine jilijose saw kwakumalila meso kulola, kaneko Mlungu tachiwecheta kuti: muyayalembedwe mu mabuku gelega, pana chamkuchikana kuti nganimtenda? kapena achimalaika wangu wakulemba nikusunga masengo ga chikapolo wamtesile lupuso -kumpondelesya? Mundu tachijila kuti: iyayi, mwe Ambuje. Mlungu ni tachiwecheta kuti: ana mkwete umboni wakudandaula kuti mkapedwa ilagasyo pa yamwalemwisye? mundu jula tachijila :iyayi, mwe Ambuje. Mlungu ni tachiwecheta kuti: mwejo nkwete yambone kwetuwe, lelo jino kwangali kumpondelesya m'mwejo. Ni tijikoposyedwa kadi jelembe malo ganti "Ash-hadu an la ilaha illa Allah wa Ash-hadu anna Muhammadan abuduhu wa rasuluhu", Mlungu ni tachiwecheta kuti: m'biche najo sikelo jenu, mundu jula nitachiwecheta kuti: mwe Ambuje, kadi aji mpaka jitende chi ni mabuku gosopega? Mlungu tachiwecheta kuti: nditu, mwe ngampondelesyedwa, ni wawechete kuti: kaneko mabuku ga masengo gakusakala gala tigawichidwa mbali jimo ja sikelo, mbali jine ja sikelo tachiwika kadi jajikwete malowe gala, ni tigapepuka mabuku gala ni tijisitopa kadi ja malowe gala,pangali chindu chimpaka chisitope papali lina Iya Mlungu".

[صحيح] [رواه الترمذي وابن ماجه]

Mtume-chanasa ni utendele wa Mlungu iwe pa jwelejo -akusala kuti Iyuwa Iya mbesi Mlungu tachisagula mundu kuma mu likuga Iyakwe, nikuwika nawo pa meso pa iumbe yosope ni tachiwilanjidwa kuti awalanjisiidwe masengo ga gawakamulaga pameso pa iumbe yosope yene tachiwilanjidwa kuti awalanjidwe masengo gakwe, nitachimlosya jwalakwejo ibuku y masengo gakwe ga chabe yakwana 99 ulewu wa buku jilijose mpela kugalechela maso gakwe kulola. Kaneko Mlungu tachiwecheta kwa jwele munduju kuti: ana pana inkukanila mu iyalembedwe mu mabuku gelega? Ana malaika gangu gakulemba ni kusunga masengo ga wandu amtesile lupuso (kumpondelesya)? Mundu jula tachiwecheta kuti: iyayi, mwe Ambuje. Mlungu tachiwecheta kwa mundu jula kuti: ana mkwete ligongo limpaka mkolanje kuti masengo gakusakala gamwatendaga pa chilambo cha pasi? ilewiyo mwatendaga

mwakuliwalila, kapena mwangosi kapena mwa ujinga. Mundu jula tachiwecheta kuti: iyai, mwe Ambuje,jwangali chanti nikuwecheta mwakulichenjela. Mlungu tachiwecheta kuti: yakuona, nambo nditu mwe mkwete yambone yamwatesile ni twamsunjile,, nditu mwe ngamtendedwa lupuso (kupondelesyedwa) lelo jino. Ni Mtume-chanasa ni utendele wa Mlungu iwe pa jwelejo- wawechete kuti: ni tijikoposyedwa kadi jajilembedwe malowe ganti : "Ash-hadu an lailaha illa Allah wa Ash-hadu anna Muhammadan abuduhu wa rasuluhu". Mlungu tachiwecheta kwa mundu jula kuti: m'biche najo sikelo jenu. Ni mundu jula tachiwecheta mwakusimonga: Ee mwe Ambuje! Kadi aji mpakana jitende chi naga kujiwika pa sikelo pamo ni mabuku gelega? Mlungu tachiwecheta kuti: lelo jino mwe ngamtendedwa lupuso (kupondelesyedwa). Ni Mtume -chanasa ni utendele wa Mlungu iwe pa jwelejo-watite kuti : mabuku ga masengo gakusakala gala tigawichidwa mbali jimo ja sikelo, Kadi ja malowe gakuwichila ujika wa Mlungu ni utume wa Muhammad, tijiwichidwa mbali jine ja sikelo; ni tijichipepuka mbali jatijiwichidwa mabuku ga masengo gakusakala jila,ni tijisitopa mbali jatijiwichidwa Kadi jajikwete malowe gakuwichila umboni wa ujikape wa Mlungu ni utume wa Muhammad, ni Mlungu tachimkuluchila mundujo.

<https://sunnah.global/hadeeth/yao/show/65033>

النجاة الخيرية
ALNAJAT CHARITY

